


'Game of Thrones' ar fáil as Gaeilge

Beidh leagan Gaeilge de "A Song of Ice and Fire" an chéad leabhar sa tsraith "A Game of Thrones" le foilsíú go luath. Dar leis na foilsitheoirí Leabhar Breac, beidh an t-aistriúchrán ar an leabhar iomráiteach le George R. R. Martin ar fáil i Mí Mheán Fómhair. Ceaptar gur "Cluiche na Corónach" an teideal Gaeilge a bheidh ar an saothar.



Game of Thrones as Gaeilge

Foilsíodh an bunleagan Béarla don chéad uair sa bhliain 1996 agus bhí sé ar bharr liosta na leabhar ag an New York Times sa bhliain 2011. Tá os cionn 60 milliún cóip den chúig leabhar sa tsraith atá foilsithe go dtí seo díolta ar fud an domhain. Clúdaíonn na leabhair fantasaíochta scéal na Seacht Ríochta i Westeros agus an choimhlint cumhachta atá ar siúl eatarthu. Ar ndóigh tá an comhlacht Leabhar Breac ag súil go mbeidh an-tóir agus an-díol ar an leagan Gaeilge chomh maith go háirithe agus an tsraith teilifíse go mór i

mbéal an phobail faoi láthair agus an séú séasúr de le craoladh an bhliain seo chugainn. Tá an comhlacht atá lonnaithe i gCois Fharráige i gConamara tar éis leagan Gaeilge de a lán saothair litríochta a chur ar fáil cheana féin ina measc "Oileán an Órchiste", aistriúchán ar "Treasure Island" le R.L. Stevenson agus tathar ag obair i láthair na huair ar

leagan Gaeilge de "Kidnapped" leis an údar céanna.

Más duine de lucht féachana ollmhór Cluiche na Corónach tú bí ag faire amach don saothar Gaeilge sa fóimhar.

Gluais: leagan sraith foilsitheoirí saothar bunleagan fantasaíocht séasúr craoladh aistriúchán

Glossary: version series publishers work original fantasy season broadcast translation

Scoil Samhraidh Willie Clancy faoi lán seoil

Tá an fhéile ar a dtugtar Seachtain Willie Clancy faoi lán seoil i Sráid na Cathrach, Co an Chláir i láthair na huair agus an baile ag pléascadh le ceoltóirí traidisiúnta tagtha ó cheann ceann na tíre agus ó thíortha thar sáile chomh maith chun ceol a fhoghlaim, a roinnt agus a cheiliúradh.

Tá Féile Willie Clancy ar an bhfód le breis is daichead bliain bunaithe in 1973 chun oidhreacht agus ceol an pháobaire aitheanta áitiúil a cheiliúradh. Is cinnte go bhfuil ceol le cloisteáil fud fad an bhaile agus sa cheantar máguaird ó éirí go luí na gréine. Chomh maith leis na ceolchoirmeacha agus céilithe gach oíche tá an iliomad imeachtaí ar chlár na féile ina measc ranganna ceoil agus damhsa, ceardlanna, léachtaí, seoltaí leabhar agus céirnín gan trácht ar na seisiúin neamhoifigiúla ar fud an bhaile agus timpeall gach cúinne. Gach bliain dírtar ar uirlis ceoil amháin faoi leith agus i mbliana is í an chruit atá faoi chaibidil.

Beidh na meáin idir stáisiúin raidió agus teilifíse i láthair chun seoda agus buaicpointí na seachtaine a chraoladh gan trácht ar an méid colúin a líonfar ins na meáin chlóite faoi imeachtaí na féile. Faoi teideal 'Éire agus Alba' tá ceiliúradh á dhéanamh i mbliana trí cheol agus amhrán ar na ceangail chultúrtha idir na Gaeil anseo agus thall. Beidh Ceolchoirm Chuimhneacháin na Féile ar siúl in Ionad Pobail an Bhaile in omós do Mhuir



An píobaire, Willie Clancy

ris Ó Rócháin, duine de bhunaitheoirí Fhéile Willie Clancy, agus a d'imigh ar shlí na fírinne é féin cúlpla bliain ó shin. Cuirfear clabhsúr leis an bhféile le Cór Chúil Aodha ag soláthar an cheoil ag Aifreann i nGaeilge in Eaglais Naomh Iosaef, Sráid na Cathrach ag 10.00r.n. maidin Domhnaigh seo chugainn. Féile mhór mar sin agus ceol den scoth thar naoi lá agus oíche ó 4ú go 12ú Iúil. Is fiú dul ann bliain éigin.

Gluais: ag pléascadh thar sáile píobaire ceardlanna léachtaí cruit meáin buaicpointí clabhsúr

Glossary: bursting overseas piper workshops lectures harp medis highlights finish

Glór Cheatharlach Picnic an tSamhraidh ag SPRAOI

Eagróidh an grúpa tuistí agus leanaí SPRAOI imeacht álainn dar teideal Picnic an tSamhraidh i gcomhar le Glór Cheatharlach in Ionad Phobail Darach Nua an Satharn seo chugainn, 11 Iúil le tosú ag 11r.n.

Is ócáid ceiliúrtha í Picnic an tSamhraidh do theaghlach atá ag tógáil clainne le Gaeilge agus má bhíonn an aimsir cineálta is lasmuigh ins an gairdín álainn san Ionad a reachtálfar na himeachtaí ar an Satharn. Beidh caint is comhrá, bia is deochanna, spórt is spraoi ar an lá. Iarrtar ar thuismitheoirí plúid picnice agus lón beag a thabhairt leo agus cuirfear gach rud eile ar fáil ar an lá.

Is grúpa dátheangach é SPRAOI a thagann le chéile go rialta chun deis a thabhairt do thuismitheoirí agus páistí súgradh le chéile trí Ghaeilge. Bunaíodh an grúpa i Samhradh 2012 agus tá sé ag dul ó neart go neart ó shin. Bíonn fáilte roimh theaghlach nua i gcónaí agus níl brú ar éinne ach an méid Gaeilge atá acu féin a labhairt. Cuirfear fáilte roimh chách ag Picnic an tSamhraidh ar an Satharn



Pic an tSamhraidh ag an ngrúpa SPRAOI anuraidh

beag seo in Ionad Pobail Darach Nua. Gach eolas ar fáil ó 087 2857048, 085 1340047 nó is féidir scríobh chuig eolas@glorcheatharlach.ie. Bígí Linn do Phicnic an tSamhraidh!

Gluais: imeacht

Glossary: event

teaghlach aimsir lasmuigh sóláistí dátheangach ag tógáil i gcomhar ceiliúradh plúid

amilies weather outside refreshments bilingual raising in association celebration blanket

Tús curtha le Clár an tSamhraidh



Cuid de na déagóirí ar a mbealach isteach sa Choláiste Samhraidh

Tá an Coláiste Samhraidh do dhéagóirí i gCeatharlach faoi lán seoil. Is í seo an 7ú bliain den choláiste agus tá suas le caoga dalta ag freastal ar an gcúrsa coicise eagraithe ag Glór Cheatharlach agus ar siúl sa Ghaelcholáiste. Tá an cúrsa oiriúnach do dhéagóirí i Rang 6 go Bliain 6 agus leanfar leis go De hAoine na seachtaine seo. Chomh maith leis na ranganna tá cluichí teanga agus díospóireachtaí, cluichí agus sport, amhránaíocht agus ranganna céilí ar chlár an chúrsa.

An tseachtain seo chugainn reachtálfar Campaí do pháistí ó 14ú go 18ú Iúil. Beidh Campa na nÓg oiriúnach do pháistí réamh-scoile agus beidh an Campa

Samhraidh oiriúnach do pháistí bunscoile ó aois 6-10 mbliana d'aois. Bainfidh na páistí taitneamh as réimse leathan imeachtaí le ceardaíocht agus ealaín, cluichí agus spórt, snámh, céilithe agus turasanna san áireamh. Tá Campa na nÓg lán ach seans go bhfuil áit nó dhó fós le fáil sa Campa Samhraidh ach dul i dteagmháil gan mhoill le Glór Cheatharlach. Buail isteach chuig an oifig ar Shráid an Coláiste atá díreach trasna ón Ardeaglais. Is féidir chomh maith glaoch a chur ar 087 2857048, 085 1340047 nó scríobh chuig emma@glorcheatharlach.ie

Gluais: spleodrach seasca ag freastal

Glossary: cheerful sixty attending

oiriúnach níos déanaí in áirithe gan mhoill

suitable later reserve immediately

Gach eolas ar imeachtaí Gaeilge ó:
Glór Cheatharlach, Sráid an Choláiste, Ceatharlach
 (059) 9158105 / (085) 1340047
 eolas@glorcheatharlach.ie
 www.glorcheatharlach.ie
 Cuardaigh Glór Cheatharlach ar Facebook!